

Kontuola

ANTZUOLA / Egubakoitza / 2002ko otsailaren 22a / 102. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

Datorren eguenean irekiko dute Amazoniaren gaineko erakusketa

AINTZANE IRIZAR

Otsailaren 28tik martxoaren 3ra egongo da zabalik Medicus Mundi elkartearen erakusketa. Olan etxeko aretoan izango da, eta Ekuadorreko Amazoniaren egoera tamalgarria ezagutaraztea da helburu nagusia. Gai horren gaineko hitzaldia ere eskainiko dute.

Datorren eguenean iritsiko da Antzuolara Medicus Mundi Gobernu Kanpoko Erakundearen erakusketa ibiltaria. *Yana Curi. Paradisu zauritua* izenburua dauka erakusketak. Udaleko Gizarte Ongizate Batzordeak antolatu du, eta Anelkarrek lagundu dio lan horretan. Olan etxeko aretoan egongo da erakusketa otsailaren 28tik martxoaren 3ra, eta honako orduetara izango du: 12:00etatik 14:00etara eta 18:00etatik 20:00etara.

Eguenean bertan, 19:00etan, hitzaldia eskainiko du Olanen Imanol Apalategik, Gipuzkoako Medicus Mundiko presidentek.

YANA CURÍ EDO PETROLIOA

Yana Curi urre beltza da, petrolio, amazoniarren hizkuntza. Petrolioak Ekuadorreko Amazoniari eta hango biztanleei ekarri dizkien kalteak laga nahi ditu agerian erakusketa honek. 43 argazki osatzen dute, eta testu labur bat izango du lagun argazki horietako bakoitzak.

1970eko hamarkadan petrolio putzuak aurkitu zituztenetik



Ekuadorreko Amazoniako petrolio putzu bat.

MEDICUS MUNDI

Eguenean hitzaldia eskainiko du Medicus Mundiko kide Imanol Apalategik

zeharo aldatu da Ekuadorreko Amazonia. Ondorio ugari ekarri dizkio aurkikuntzak amazoniaren osasunari eta ingurumena-

Ekuadorreko Amazoniaren egoera ezagutaraztea da erakusketaren helburua

ri. Ondorio horiek ezagutzeko azterketa egin zuen Medicus Mundik, eta erakusketa azterketaren emaitzen laburpen labur bat dela

Amazoniako 43 argazki egongo dira ikusgai, bakoitza testu labur batek lagunduta

esan daiteke. Izan ere, argazkiek lagun dituzten testuetan, ikerketa horretako hainbat datu interresgarri aurkituko ditugu.

LABUR


Bi langile berri hasi dira Udalean oraingo astean

Arantxa Goikoetxea Antzuolako Gizarte Laguntzailerri berria, oraingo astean bertan hasi da lanean. Horrela, Karmele Korta langilearen amatasun baja beteko du hilabete batzuetan.


Bestalde, lan eta zerbiztuen arduraduna ere oraingo astean hasi da lanean, Iñigo Zubeldia da bera, aste-suarra. Hainbat zeregin izango ditu Iñigok; hala nola, azpiegituren egoera zaindu, obra txikiak egin edota hainbat lan kontrolatzea.



Arantxa Goikoetxea.



Iñigo Zubeldia.



MUEBLES IGEA

Sukalderako eta bainurako altzariak
Altzari rustikoetan
espezializatuak

Zurrategi plaza 4, behea. ANTZUOLA. Tel. eta faxa 943 78 71 80



GERMAINE DE CAPUCCINI
HYDRASOÏN
Zure azala hidratatzen du
itsasoko freskotasunarekin

Ileapaindegia

Errekalde 2,
behea.
943 78 71 37
ANTZUOLA

Ederterre aretoa

BASERRIZBASERRI/ Azkarate



AZKARATETARRIN BASERRIA 1489. urtean eraiki zuten Uzarraga auzoko baserri hori. Bi armari ditu: lehendabizikoa 1620. urterako, behintzat, bazeukan; eta bigarrena, berriz, 1762. urtekoa da, urte hartan bertan erregearen arma-epaileak onartu zuena. Azken armari hori da gaur egun Azkaraten ikus dezakeguna; 1994an jarri zuten fatxadan. Aurreko aldean puntu-erdiko arku dauka, eta atzeko aldean XV. edo XVI. mendeko ojiba-arkua dauka, baina azken hori estalita. XIX. mendean bi familia bizi ziren Azkaraten, baina gaur egun familia bakarra bizi da. Oraindik ere Azkaratetarrak bizi dira, eta hauxe da abizenaren eta baserriaren izenaren arteko loturari eusten dion kasu bakarra. Gaur egun, honako hauek bizi dira Azkaraten: Andoni Azkarate, Simona Laskurain eta Jesus Mari, Mikel, Xabier eta Joseba Azkarate bizi. /AINTZANE IRIZAR /ITURRIA: IÑIGO RAMÍREZ DE OKARIZEN 'ANTZUOLAKO BASERRIAK ETA ERROTAK'

ATREBENTZIAEZPADA/ Sagardotegira juteko ohitturarik badaukazu?



JUAN TOMAS ZABALO
51 urte

Datorren astian bertan jungo naz, laneko lagunekin. Urtero juten gara lankidiok sagardotegira. Urtian pare bat aldiz juten naiz, asko gustatzen jat.



ELVIRA BENÍTEZ
56 urte

Ez daukat ohitturarik. Ez naiz urtero juten, baiña gustatzen jat noizian behin jutia. Sagardua, jatekoa eta hango ambientia, dana gustatzen jat.



PELLO MUGURUZA
48 urte

Aspaldian galduta daukat juteko ohitturia; izan be, oingo kuadrillakueri ez jakue gustatzen sagardotegira jutia; baiña lehen asko juten nitzan.



MAIDER MARTÍN
16 urte

Ez; gaiñera, sekula ez naiz egon sagardotegi batian. Dana dala, badaukat gogua juteko, hainbeste sagardotegi kontu entzunda, kuriosidadia daukat.



JABIER ZABALA
26 urte

Bai, bi aste barru goiatz; urtian behin, behintzat, juten gara kuadrillakuok. Asko gustatzen jat jutia; batez be, han sortzen dan girua gustatzen jat.

TELEFONO JAKINGARRIAK

OSASUNA/LARRIALDIAK
DYA 943 78 71 57
Gurutze Gorria 943 76 55 76
Medikua 943 76 62 23
Praktikantea 943 76 63 80
Udaltzaingoa 943 76 62 46
Ertzaintza 943 76 53 40

UDALA
Udaletxea 943 76 62 46
Liburutegia 943 76 60 65

BESTELAKOAK
Idolaz 943 78 60 12
Herri ikastetxea 943 76 62 68
Erretiratuaren elkarte 943 76 62 71
Abadetxea 943 76 64 16
Anelkar (Kontxi) 943 78 70 65
Taxiak:
Antonio Fernández 669 15 65 40
Jesus M. Fernández 607 31 85 60

MEZAK

ANTZUOLAKO PARROKIA
Lanegunetan eta zapatuetan: 09:30
Domeketan eta jaiegunetan: 09:00, 11:30
UZARRAGAKO PARROKIA
Domeketan eta jaiegunetan: 10:00

OHARRAK

ZINEMA EMANALDIA DOMEKAN

Oraingo domekan ere zinema emanaldia izango dugu udaletxeko osoko bilkuren aretoan, 16:30ean. *Como perros y gatos* eskainiko dute oraingo domekan. Gogora ezazue domekero eskainiko dutela film bat udaletxeko aretoan, Aste Santura arte. Aurtengo ikasturtean, gainera, euskarazko film ugari eskainiko dituzte.

ARGAZKIAK ETA ZORION AGURRAK

Erretratu zaharren bat Bergarako edizioan argitaratu nahi izanez gero, KONTUOLAKO 943 76 03 97 telefono zenbakira dei dezakezue.

Bestalde, norbait zoriondu nahi baduzue, Antzuolan bertan argazkia eta informazioa lagatzeko aukera daukazue: asteleheneretan, arratsaldeko zazpiak baino lehen, Udal Liburutegira (Eguzki auzoan) eraman behar duzue argazkia.

AITZ-GARBI



taberna
jatetxea
Pintxoak eta
kazuelatxoak.
Bazkariak eta afariak
Kalebarren 15. Tf. 943 78 70 51
ANTZUOLA

GOROSTI

Taberna

943 76 62 96
Zurrategi plaza
ANTZUOLA

Juan Cruz
ARGAZKIAK
Herriko plaza 4. ☎ 943 78 70 66. ANTZUOLA

ANTZUOLAKOHIZKERAN

ESAMOLDEA

• **KOLORERIK EZ IZAN**
1. Gauza bat ondo ez dagoela edo zentzurik ez duela esateko modua. *Horrek ez dauka kolorerik be, hori zela izango da ba hola!*
2. Bi gauzaren artean alde handia dagoela, garbi dagoela adierazteko. *Etxaok kolorerik be, hartuik hau, edarragua dok-eta.*

ATSOTITZA

• **Emun eta kendu, sapuak hankia kendu.**
Norbaiti gauza bat eman eta gero kendu egiten bazaio, eta kendu egin nahi bazaio, hartu duenak esaera hori erabiltzen du, emandakoa ezin dela kendu adierazteko. Normalean, umeen artean esaten zen.

HITZAK

• **TONTORTU**
Tontorraren forma egitea. *Gaztaiña saldu bihar izaten zanian, tontortuta saldu bihar izaten zan. / Platera tontortuta etarra, bestela goasiak geratuko da-eta.*
• **TXEPEL**
Pertsona sinplea, sakontasun handirik gabekoa, arina. *Ez dot ezagutu holako pertsona txepelik! / Nik daukaten ile txepelakin ezin da ezer egin.*

Jone Larrañagaren
'Antzuolako hizkera' liburutik

ANTZUOLA
Apainketak eta
isolamenduak
Pladurrezko dibisioak
Kalegoi 21 ANTZUOLA
676 997 400
Biltegia: 943 78 70 40